



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
**OPĆINA CENTAR SARAJEVO**  
**OPĆINSKI NAČELNIK**

Na osnovu čl. 25. i 69. Statuta Općine Centar Sarajevo-prečišćen tekst («Službene novine Kantona Sarajevo» broj 23/04), Pravilnika za finansiranje/sufinansiranje biljne proizvodnje na području Općine Centar Sarajevo za 2021. godinu, broj: 16-20-115/21 od 12.05.2021.godine, te planiranih sredstava u Budžetu Općine Centar Sarajevo, podrška poljoprivrednim proizvođačima u nabavci voćarskih sadnica i repromaterijala za proljetnu sjetvu u 2021. godini, Općinski načelnik objavljuje

**JAVNI POZIV**  
**za predaju zahtjeva za ostvarivanje prava finansiranja/ sufinansiranja biljne proizvodnje na području Općine Centar Sarajevo za 2021. Godinu**

**1. PREDMET JAVNOG POZIVA**

Predmet Javnog poziva je ostvarivanje prava finansiranja/ sufinansiranja repromaterijala za biljnu proizvodnju (sjemenskog materijala, presadnica za proljetnu sjetvu i voćarskih sadnica) u sklopu projekta „Podrška poljoprivrednim proizvođačima za biljnu proizvodnju u Općini Centar Sarajevo za 2021.godinu“.

**2. USLOVI ZA OSTVARIVANJE PRAVA UČEŠĆA KANDIDATA U PROJEKTU**

Pravo na finansiranje/sufinansiranje biljne proizvodnje mogu ostvariti kandidati pod sljedećim uslovima:

- a) da podnosilac zahtjeva ima prebivalište na području Općine Centar Sarajevo najmanje godinu dana
- b) da je podnosilac zahtjeva zakonski korisnik zemljišta pogodnog za biljnu proizvodnju na području Općine Centar Sarajevo,
- c) da navedeno zemljište pripada poljoprivrednom gazdinstvu, odnosno da je uz objekat ili neposrednoj blizini stalnog mjesta boravka podnosioca zahtjeva,
- d) da je na određenoj površini već izvršio sjetvu/sadnju i druge pripremne radnje.

**3. POTREBNA DOKUMENTACIJA**

Kandidat koji želi ostvariti pravo na finansiranje/sufinansiranje biljne proizvodnje dužan je dostaviti dokumentaciju kojom dokazuje ispunjavanje uslova, u originalu ili ovjerenim kopijama ne stariju od 12 mjeseci:

- a) zahtjev za dodjelu sredstava (u sklopu kojeg će biti integrisana Izjava da je podnosilac zahtjeva saglasan da se njegovi lični podaci koriste za obradu i objavljivanje na web stranici)
- b) CIPS prijavu mjesta boravka,
- c) dokaz o korištenju zemljišta:

- za repromaterijal proljetne sjetve (kopija skice iz katastra za parcelu ili ugovor o kupoprodaji/ugovor o zakupu zemljišta/zk),
  - za voćarske sadnice (kopija skice iz katastra za parcelu ili zemljišno knjižni izvadak za zemljište koje je u vlasništvu kandidata/ugovor o kupoprodaji zemljišta),
- d) dokaz o otvorenom tekućem računu iz banke na ime podnosioca zahtjeva,
- e) originalni fiskalni račun o kupljenom repromaterijalu za proljetnu sjetvu ili voćarske sadnice u 2021. godini.

#### **4. PODNOŠENJE ZAHTJEVA I DOKUMENATA**

Prijava na Javni poziv za finansiranje/sufinansiranje biljne proizvodnje sa pratećom dokumentacijom se predaje neposredno na protokol Općine Centar Sarajevo, Mis Irbina broj 1 Sarajevo, sa naznakom **"Za Javni poziv finansiranja/sufinansiranja biljne proizvodnje"**, a dodatne informacije mogu se dobiti u Općini Centar Sarajevo ul. Mis Irbina 1, kontakt osoba: Imra Mulahuseinović Ramljak, <tel:033/562-512>.

Javni poziv ostaje otvoren do 30.11.2021. godine ili do utroška sredstava.

#### **5. FINANSIJSKA SREDSTVA**

Prijavitelj po Javnom pozivu proljetne sjetve ostvaruje pravo na finansiranje/sufinansiranje do iznosa 150,00 KM, a za sadnju voćarskih sadnica do 300,00 KM. Projekat se finansira sredstvima iz Budžeta Općine Centar Sarajevo za 2021. godinu u ukupnom iznosu od 15.000,00 KM.

#### **6. PROCEDURA ODABIRA KORISNIKA**

Komisija će izvršiti pregled prispjelih prijava po Javnom pozivu, utvrditi blagovremenost i potpunost istih, izvršiti uviđaj na licu mjesta, sačiniti zapisnik s ciljem utvrđivanja ispunjavanja uslova iz tačke 2, 3 i 4 te sačiniti prijedlog kandidata za finansiranje/sufinansiranje biljne proizvodnje. Odluku o finansiranju/sufinansiranju biljne proizvodnje, na prijedlog Komisije, donosi Općinski načelnik jednom mjesečno u skladu sa pristiglim prijavama do utroška sredstava ili isteka Javnog poziva. Isplata sredstava korisnicima, na osnovu Odluke Općinskog načelnika, vršit će se putem Zaključka o isplati. Kako bi se osigurala transparentnost dodjele sredstava o rezultatima Javnog poziva kandidati će biti obaviješteni pismenim, telefonskim ili putem e-maila, a spisak dobitnika će biti objavljen na web stranici ove općine.

#### **7. NAPOMENA:**

Nepotpuni i neblagovremeni zahtjevi neće se uzimati u razmatranje.